

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKI NAČELNIK**



**Broj: 02-2102/22**  
**Vareš, 19.12.2022. godine**

## **IZVJEŠTAJ / IZVJEŠĆE**

### **sa Javne rasprave o Nacrtu proračuna/budžeta Općine Vareš za 2023. godinu i o Nacrtu odluke o izvršenju proračuna/budžeta Općine Vareš za 2023. godinu**

Dana 14.12.2022. godine sa početkom u 14:00 sati u velikoj sali Općine Vareš održana je Javna rasprava o Nacrtu proračuna/budžeta Općine Vareš za 2023. godinu i Nacrtu odluke o izvršenju proračuna/budžeta Općine Vareš za 2023. godinu.

Uvodnu riječ kroz obrazloženje Nacrta proračuna/budžeta Općine Vareš za 2023. godinu i Nacrta odluke o izvršenju proračuna/budžeta Općine Vareš za 2023. godinu je dao Mirza Fatić, viši stručni saradnik za finansije i trezorsko poslovanje, te otvorio javnu raspravu i pozvao prisutne da uzmu učešće u istoj.

Na raspravi je bilo šestoro prisutnih koji su iznijeli svoje sugestije i primjedbe od kojih su neke prihvaćene, neke su već uvrštene u nacrt budžeta/proračuna kroz druge ekonomske kodove, dok za ostale trenutno nije bilo prostora ili su tehnički neizvodive.

Od dostavljenih amandmana su prihvaćeni :

Klub vijećnika SDA:

- Ekonomski kod 613991 - obilježavanje zanačajnih datuma planiran je u iznosu 10.000,00 KM. Smatramo da se navedeni iznos poveća na 20.000,00 KM. Navedena sredstva prebaciti sa ekonomskog koda 613991 – Ostale usluge u iznosu 10.000,00KM.

Udruženje penzionera – umirovljenika Vareš:

- Prijedlog je da se u članu 2., RASHODI, glavna kategorija 614000, podkategorija 614300, ekonomski kod 614310 – Grantovi za neprofitne organizacije, uvrsti novi analitički konto 614311 pod nazivom „ Transfer za pomoć članovima Udruženja penzionera/umirovljenika“ u iznosu od 5.000,00 KM, uz istovremeno smanjenje rashoda na poziciji „ Grantovi udruženjima građana, sportskim, omladinskim udruženjima „, na kojoj je Udruženje dosada bilo planirano.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



Od dostavljenih amandmana su djelomično prihvaćeni :

Klub vijećnika SDA:

- Ekonomski kod 821624 Investiciono održavanje zgrada – stambene zgrade u gradu planirati u iznosu 62.000,00 KM. Prebaciti sa konta 821612 rekonstrukcija cesta i mostova i umanjiti za 62.000,00 KM.

Klub vijećnika SDP:

- Kod 614231, Beneficije za soc. zaštitu ( subvencije porodiljama ), sa planiranih 7.000,00 KM povećati na 14.000,00 KM, pri čemu je predloženo povećanje za 7.000,00 KM. Ekonomski kod je povećan na 10.000,00 KM.

JU Dom Zdravlja Vareš:

- ekonomski kod 614411 - Subvencije troškova službe hitne pomoći povećaju sa planiranih 10.000,00 KM na iznos od 60.000,00 KM. Iako u amandmanu nije naveden ekonomski kod na kojem bi se smanjila sredstva za ovaj iznos, amandman je djelomično prihvaćen i sredstva su povećana sa 10.000,00 KM na 15.000,00 KM.

Od dostavljenih amandmana nisu prihvaćeni sljedeći:

Klub vijećnika SDA:

- Novi ekonomski kod 821625 Investiciono održavanje zgrada-ambulantni ( ambulantu u mjesnim zajednicama ) planirati u iznosu od 15.000,00 KM. Prebaciti sa konta 821612 rekonstrukcija cesta i mostova. Ambulante su u nadležnosti JU Dom zdravlja Vareš. Općina Vareš može po potrebi izdvojiti sredstva za učešće u obnovi i sanaciji objekata ambulanti sa drugih ekonomskih kodova u skladu sa dinamikom priliva prihoda.

Klub vijećnika SDP:

- kod 613971, Ostali izdaci za druge samostalne djelatnosti i povremeni samostalni rad ( ugovor o djelu) - 60.000,00 KM umanjiti u iznosu – 32.000,00 KM pri čemu bi iznosilo 28.000,00 KM;
- Kod 613991, Ostale usluge – umanjiti sa planiranih 20.000 KM na 0, što čini iznos od 0 KM;  
Gore navedenim umanjenima budžetskih pozicija, koja smatramo da treba raspodijeliti na uvećanje sljedećih budžetskih pozicija:
- Kod 614515, Poticaj poljoprivrednoj proizvodnji, sa planiranih 45.000,00 KM povećati na 90.000,00 KM, pri čemu je predloženo povećanje za 45.000,00 KM. Za ovo povećanje trenutno nema prostora u budžetu/proračunu za narednu godinu.
- Kod 614231, Beneficije za soc. zaštitu ( subvencije porodiljama ), sa planiranih 7.000,00 KM povećati na 14.000,00 KM, pri čemu je predloženo povećanje za 7.000,00 KM. **Povećanje ovog ekonomskog koda usmeno je predložilo više vijećnika, tako da je on već djelomično prihvaćen na osnovu navedenih usmenih prijedloga.**

Vijećnik Šaban Ibrišimović:

- Povećanje izdvajanja za poticaje u poljoprivredi, s prijedlogom da se sa ekonomskog koda 613991 preraspodjele sredstva na ekonomski kod 614515, u iznosu od 10.000,00 KM. Kako se navodi u obrazloženju amandmana radi se o sredstvima za projekat brendiranja „ Vareškog meda“ koji vodi Udruženje građana pčelara „Polen“. Grantovi udruženjima su već uvršteni u nacrt budžeta/proračuna pod ekonomskim kodom 614311, te zbog toga ovaj amandman nije prihvaćen.

Udruga prijatelja glazbe Emil Milo Cipra:

- Prijedlog za uvrštavanje Vareš Classic Festivala u budžet/proračun Općine Vareš. Općina Vareš svake godine finansira troškove održavanja navedenog festivala sa ekonomskog koda 613991 – Obilježavanje značajnih datuma, tako da je već uvršten u budžet/proračun Općine Vareš

Javna rasprava je završila u 15 sati i 00 minuta.

**IZVJEŠTAJ SAČINILA  
SLUŽBA ZA PRIVREDU,  
FINANCIJE I TREZOR**

**DOSTAVLJENO:**

1 x Općinsko vijeće Vareš

1 x a/a

**OPĆINSKI NAČELNIK**

**Zdravko Marošević**